

JAHON IQTISODIYOTI VA DIPLOMATIYA UNIVERSITETI XOTIN-QIZLAR MASLAHAT KENGASHI NIZOMI

I. UMUMIY QOIDALAR

1. Jahon iqtisodiyoti va diplomatiya universiteti Xotin-qizlar maslahat Kengashi Nizomi (keyingi o'rinlarda Nizom deb yuritiladi) O'zbekiston Respublikasi Tashqi ishlar Vazirligi Jahon iqtisodiyoti va diplomatiya universiteti Xotin-qizlar masalalari bo'yicha Maslahat Kengashi (keyingi o'rinlarda - Maslahat Kengashi) asosiy vazifasi, funksiyasi, vakolatini mazkur Nizomga muvofiq tasdiqlangan ish reja asosida tashkil etish tartibini belgilaydi va shu bo'yicha ish olib boradi.

2. Maslahat Kengashi xotin-qizlarni ijtimoiy-siyosiy qo'llab-quvvatlovchi, ularning huquq va qonuniy manfaatlarini himoya qiluvchi shuningdek O'zbekiston Respublikasi Konstitutsiyasi va Qonunlarida o'z aksini topgan ijtimoiy siyosiy kafolatlarning amalga oshirilishiga ko'maklashuvchi jamoatchilik asosida doimiy faoliyat yurituvchi Maslahat Kengashi hisoblanadi.

3. Maslahat Kengashining tarkibi universitet rektori tomonidan tasdiqlanadi.

4. Maslahat Kengashining qarorlari tavsiyaviy xususiyatga ega.

5. Maslahat Kengashi o'z faoliyatida O'zbekiston Respublikasining Konstitutsiyasi va qonunlariga, O'zbekiston Respublikasi Oliy Majlisi palatalarining qarorlariga, O'zbekiston Respublikasi Prezidentining farmonlari, qarorlari va farmoyishlariga, O'zbekiston Respublikasi Vazirlar Mahkamasining qarorlari va farmoyishlariga, O'zbekiston Respublikasi Oliy va o'rta maxsus ta'lim vazirligining, Jahon iqtisodiyoti va diplomatiya universitetining me'yoriy hujjatlariga, mazkur Nizomga va boshqa qonun hujjatlariga amal qiladi.

6. Maslahat Kengashi qonuniylik, kollegiallik, oshkoralik, o'zaro hamkorlik va hurmat, teng huquqlilik, ixtiyoriylik va jamoatchilik fikrini hisobga olish tamoyillari asosida faoliyat yuritadi.

II. MASLAHAT KENGASHINING ASOSIY VAZIFALARI VA FUNKSIYALARI

7. Xotin-qizlarni qo'llab-quvvatlashga doir davlat siyosatining samarali amalga oshirilishini ta'minlash, ularning huquqlari va qonuniy manfaatlarini himoya qilish hamda ularning mamlakat ijtimoiy-siyosiy hayotidagi roll va faolligini oshirish ishlarini hamkorlikda tashkil etadi;

- xotin-qizlarning mehnat jamoalarida, davlat va jamoat boshqaruvi sohasidagi rolini kuchaytirish, ularni ijtimoiy-huquqiy jihatdan qo'llab-quvvatlash borasidagi maqsadli ishlarni tashkil etishga ko'maklashish va ularning fikrlarini tizimli monitoring qilish;

- xotin-qizlarning muammolarini o'z vaqtida aniqlash, yordamga muhtoj va og'ir ijtimoiy ahvolga tushib qolgan xotin-qizlarning, shu jumladan, nogironligi bo'lgan

ayollarning manzilli ro'yxatlarini tuzish, ularga ijtimoiy-huquqiy, psixologik va moddiy yordam ko'rsatish, rehabilitatsiya vositalari bilan ta'minlash ishlariga ko'maklashadi;

- yoshlarni oilaviy hayotga tayyorlash, ularga oiladagi nizoli holatlarni hal qilishning huquqiy va psixologik asoslarini o'rgatish, oilalarni mustahkamlash, erta nikoh va oilaviy ajralishlarning oldini olish bo'yicha takliflar ishlab chiqishga va tegishli chora-tadbirlarni amalga oshirishga yordamlashadi;

- talaba qizlarning huquqiy madaniyatini va savodxonligini oshirib borish ishlarida faol ishtirok etadi;

- xotin-qizlar va erkaklar uchun teng huquq hamda imkoniyatlar kafolatlari to'g'risidagi qonun hujjatlarining ijrosi yuzasidan jamoatchilik nazoratini amalga oshiradi va tegishli takliflar ishlab chiqadi;

- xotin-qizlarni tazyiq va zo'ravonlikdan himoya qilish to'g'risidagi qonun hujjatlari ijrosini monitoring qiladi, zo'ravonlikdan jabrlanganlarni aniqlash, ularni rehabilitatsiya qilish, huquqlarini himoya qilish bo'yicha ishlab chiqilgan tavsiyaviy takliflarni tegishli rahbarlarga kiritadi;

- xotin-qizlarni tazyiq va zo'ravonlikdan himoya qilish sohasida hududiy dasturlarni ishlab chiqish hamda amalga oshirishda ishtirok etadi;

- Talaba qizlarni oilaviy hayotga tayyorlash, yosh oilalarni ijtimoiy faollikka yo'naltirish, ular o'rtasida ijtimoiy foydali mehnat turi bilan shug'ullanadigan, ibrat namunasiga ega bo'lgan xotin-qizlarning hayot faoliyatlari va turmush tarzlarini keng targ'ib qilish;

- xotin-qizlar o'rtasida turli ko'rik-tanlovlar va sport musobaqalarini o'tkazish, Zulfiya nomidagi Davlat mukofoti va "Mo'tabar ayol" ko'krak nishoni bilan taqdirlash uchun nomzodlarni tanlashda qonuniylik, ijtimoiy adolat, shaffoflik tamoyillariga rioya etilishi ustidan ta'sirchan jamoatchilik nazoratini amalga oshiradi;

- milliy va xalqaro qonunchilikda xotin-qizlar huquqlarini himoya qilishga doir xujjatlar, standartlar va talablarning joriy etilishini ta'minlaydi va bevosita ishtirok etadi;

- universitetda samarali mehnat qilayotgan ayol xodimlarni Davlat mukofotlariga tavsiya etish bo'yicha taklif kiritadi;

- xorijiy stajirovkalarga va boshqa rag'batlantirish masalalarida universitet xotin-qizlar tarkibidan nomzodlar bo'yicha takliflar kiritadi;

- universitetda fakultetlar dekanlari bilan kelishgan holda xotin-qizlar masalalari bo'yicha dekan maslahatchisini tayinlaydi, faoliyatini nazorat qiladi.

III. MASLAHAT KENGASHINING MAJBURIYATLARI

8. Maslahat Kengashi o'z zimmasiga yuklangan vazifalarga muvofiq quyidagi majburiyatlarni bajaradi:

- o'z faoliyatini O'zbekiston Respublikasi qonunchiligi va mazkur Nizomga muvofiq amalga oshirish;

- jamoatchilik nazorati to'g'risidagi qonun hujjatlari talablariga rioya etish;

- fuqarolarning or-nomusi va qadr-qimmatini tahqirlashga, ularning shaxsiy hayotiga aralashishga yo'l qo'ymaslik;

- faoliyatiga doir universitet buyruqlarini ijro etish.

9. Maslahat Kengashi Qonun hujjatlarida nazarda tutilgan boshqa majburiyatlarga ham ega bo'lishi mumkin.

IV. MASLAHAT KENGASHINING HUQUQLARI

10. Maslahat Kengashi quyidagi huquqlarga ega bo'ladi:

- universitet hayotida faollik va tashabbuskorlik ko'rsatgan, o'zining samarali mehnati bilan oilaning totuvligi va farovonligi mustahkamlanishiga, onalik va bolalik muhofazasiga munosib hissa qo'shgan, shuningdek, sog'lom va barkamol avlodni voyaga yetkazish, ularni Vatanga sadoqat ruhida tarbiyalash, joylarda ma'naviy-axloqiy muhitni sog'lomlashtirish va milliy qadriyatlarni keng targ'ib etish borasida ibratli faoliyat olib borayotgan xotin-qizlarni "Mo'tabar ayol" ko'krak nishoniga tavsiya etish yuzasidan universitet rahbariyatiga takliflar kiritish;

- Universitet rahbariyatiga Maslahat Kengashi vakolatiga kiradigan masalalar yuzasidan takliflar kiritish;

- zimmasiga yuklatilgan vazifalar ijrosi samaradorligini oshirish maqsadida universitetda xotin-qizlar o'rtasida turli korik-tanlovlar va sport musobaqalarini tashkil etish va o'tkazish;

- universitetdagi xotin-qizlar, ayniqsa yordamga muhtoj va og'ir ijtimoiy ahvolda tushib qolgan xotin-qizlar, shu jumladan, nogironligi bo'lgan ayollarning roziligi bilan ularning uy-joy va ijtimoiy-maishiy shart-sharoitlari bilan tanishish;

- Maslahat Kengashi majlislarida muhokama qilinadigan masalalarni yoritish bo'yicha ommaviy axborot vositalari bilan hamkorlik qilish;

- yuklatilgan vazifalarni bajarish uchun seminarlar, davra suhbatlari va boshqa tadbirlarni tashkil etish, zarur hollarda ularga davlat organlari va jamoat tashkilotlari mas'ul xodimlarini hamda mahalla faollarini taklif etish.

11. Maslahat Kengashi qonun hujjatlariga muvofiq boshqa huquqlarga ham ega bo'lishi mumkin.

V. MASLAHAT KENGASHI FAOLIYATINI TASHKIL ETISH TARTIBI

12. Maslahat Kengashini belgilangan tartibda Kengash raisi boshqaradi.

13. Maslahat Kengashi raisi ta'lim muassasi rahbarining tavsiya qilgan 3 va 5 nafar nomzodlari orasidan, ta'lim muassasida faoliyat olib borayotgan xotin-qizlarning yashirin ovoz berish yo'li bilan ularning uchdan ikki qismining bergan ovozi bilan saylanadi.

14. Maslahat Kengashining tarkibi har 5 yilda tasdiqlanadi.

15. Maslahat Kengashining raisi:

- Maslahat Kengashining faoliyatiga umumiy rahbarlik qiladi;

- Maslahat Kengashining majlislarini chaqiradi va kun tartibini belgilaydi, majlisga raislik qiladi;

- Maslahat Kengashining ish rejalarini, majlis bayonnomalarini va boshqa hujjatlarini tasdiqlaydi, majlis Qarorlarining ijrosini nazorat qiladi.

16. Dekan maslahatchilari Jahon iqtisodiyoti va diplomatiya universiteti xotin-qizlar soni 7 nafardan oshgan har bir fakultetda tashkil etiladi.

17. Dekan maslahatchilari Maslahat Kengashi raisi - rektor maslahatchisi tomonidan tayinlanadi va lavozimdan ozod qilinadi.

Dekan maslahatchilari:

- talaba qizlarning huquqiy madaniyatini va savodxonligini oshirib borish ishlarda faol bo'ladi;

-mehribonlik uylarida tarbiyalangan qizlar bilan alohida manzilli ishlarni amalga oshiradi;

- ijodkor, ilmiy-tadqiqot bilan shug'ullanishni istagan talaba-qizlar, pedagog-xodimlar bilan hamkorlikni kuchaytiradi;

-talaba qizlar orasida turli noxush holatlar (psixotrop moddalar, jiyoatchilik, o'z joniga qasd qilish, turli oqimlar ta'siriga tushib qolish, odam savdosi)ning oldini olish, oilalarda ijtimoiy-ma'naviy muhit barqarorligini ta'minlash, oila muqaddasligi borasida mutasaddi tashkilotlar bilan hamkorlikda tushuntirish ishlarini muntazam tarzda olib borish, yukoridagi salbiy xarakteri aniqlangan xotin-qizlaming ro'yxatini yashirin holatda shakllantirish, ushbu holatdan univesitet rahbariyatini ogoh qiladi;

- xotin-qizlar maslahat kengashi raisiga bo'ysunadi, har oy yakuni bo'yicha amalga oshirilgan ishlar yuzasidan hisobot taqdim etadi.

17. Maslahat Kengashi fuqarolarning o'zini-o'zi boshqarish organlari va boshqa davlat organlari hamda jamoat tashkilotlari bilan hamkorlik qiladi.

18. Maslahat Kengashining raisi bo'lmagan taqdirda, uning vakolatlari va majburiyatlarini rais o'rinbosari bajaradi.

19. Maslahat Kengashining majlisi ish reja asosida har oyda kamida bir marta chaqiriladi; - Maslahat Kengashi raisining tashabbusi yoki maslahat Kengashi a'zolarining uchdan bir qismining yozma murojaati asosida uning navbatdan tashqari majlisini chaqirish nazarda tutiladi.

20. Maslahat Kengashining majlislariga boshqa davlat organlari, nodavlat notijorat tashkilotlar va fuqarolik jamiyati institutlarining vakillari, mahalla faollari taklif etilishi mumkin.

21. Maslahat Kengashining majlisida qabul qilingan Qaror bayonnoma bilan rasmiylashtiriladi.

22. Maslahat Kengashi raisi universitet ilmiy Kengashi a'zosi sifatida yiliga bir marta hisobot beradi.

VI. MASLAHAT KENGASH RAISI MAQOMI

23. Maslahat Kengashi raisi universitet rektorining "Xotin-qizlar masalalari bo'yicha maslahatchisi" maqomiga, fakultet xotin-qizlar Kengashi raisi "dekan maslahatchisi" maqomiga ega.

24. Maslahat Kengashi raisi Jahon iqtisodiyoti va diplomatiya universitetining birinchi rahbariga bo'ysunadi

25. Maslahat Kengashi raisi uchun alohida xona ajratish, kompyuter, telefon, internet tarmog'i va boshqa jihozlar bilan ta'minlash hamda o'rnatilgan tartib asosida ish haqiga qo'shimcha ustama belgilash orqali moddiy rag'batlantirib borish choralari ko'riladi.

VII. YAKUNLOVCHI QOIDALAR

26. Maslahat Kengashining faoliyatini moddiy-texnik jihatdan ta'minlash qonun hujjatlarida taqiqlanmagan manbalar hisobidan amalga oshiriladi.

27. Maslahat Kengashining faoliyati uning nizomiga va O'zbekiston Respublikasining qonun hujjatlariga muvofiq holda amalga oshiriladi va universitet rektori tomonidan nazorat qilinadi.

**Xotin-qizlar maslahat kengashi raisi
hujjatlarining yig‘ma jildi**

Xotin-qizlar maslahat kengashi raisi hujjatlarining yig‘ma jildi		
T/p	Normativ-huquqiy hujjatlar	1. O‘zbekiston Respublikasi Prezidentining, Oliy Majlis Senatining, Vazirlar Mahkamasining qaror farmonlari, vazirlik buyruqlari 2. Jahon iqtisodiyoti va diplomatiya universitetlarining buyruqlari, kengash qarorlari, topshiriq va ko‘rsatmalar
Ta’lim muassasidagi xotin-qizlar ro‘yhati		
2.	Xotin-qizlar ma’lumotlari bazasi	2.1. Ayol pedagog-xodimlar ro‘yxati (kafedra, lavozimi, ilmiy darajasi, yoshi, ijtimoiy holati bo‘yicha); 2.2. Ayol rahbar va ishchi-xodimlar ro‘yxati lavozimi, ilmiy darajasi, yoshi, ijtimoiy holati bo‘yicha); 2.3. Talaba-qizlar ro‘yxati (fakultet, kurs, guruhi, doimiy va vaqtincha yashash joyi, ijtimoiy holati); Lider qizlar klubi, to‘gararklar, iqtidorli talaba-qizlar va ayol pedagog xodimlar bilan ishlash 2.4. “Lider qizlar” klubi Nizomi; 2.5. “Lider qizlar” klubi ish rejasi; 2.6. “Lider qizlar” klubi a’zolari ro‘yhati; 2.7. Talaba-qizlar bandligini ta’minlash bilan bog‘liq faoliyat; 2.8. Ijtimoiy himoyaga olingan xotin-qizlar bilan ishlash; 2.9. Zulfiya nomidagi Davlat mukofoti va “Mo‘tabar ayol” ko‘krak nishoniga tanlovlar o‘tkazish va nomzodlarni tavsiya qilishga doir hujjatlar.
Ta’lim muassasida Xotin-qizlar kengashining yillik ish rejasi		
3.	Ish rejalar va ularning bajarilishi	3.1. Xotin-qizlar masalalari bo‘yicha Kengash Nizomi; 3.2 Xotin-qizlar kengashi raisining yillik ish rejasi; 3.3. Xotin-qizlar kengashi faoliyati bo‘yicha yarim yillik va yillik hisobotlar. Ilmiy kengashdagi hisobotlar
Sport va reproduktiv salomatlik		
4.	O‘tkazilgan	4.1. Sport va reproduktiv salomatlik bo‘yicha o‘tkazilgan

	ma'naviy ma'rifiy tadbirlar	tadbirlar (saytda yoritilganligi); Jinoyatchilik va korrupsiyaga qarshi kurash (odam savdosi, firibgarlik) bo'yicha o'tkazilgan tadbir (saytda yoritilganligi).
Zo'ravonlikka qarshi kurashish va Gender tenglik		
5.	Konferensiyalar, seminarlar	Memorandumlar. O'tkazilgan konferensiyalar. Seminarlar. Yakka tartibdagi suhbatlar

Jahon iqtisodiyoti va diplomatiya universiteti
Xotin-qizlar maslahat kengashi raisi hamda dekan maslahatchilarining
faoliyatini baholashning namunaviy
MEZONLARI

	Baholash mezonlari	Qisqacha mazmuni	Ball
1	Jahon iqtisodiyoti va diplomatiya universitetisida xotin-qizlar bilan ishlash tizimini to'g'ri yo'lga qo'yganligi	a) Jahon iqtisodiyoti va diplomatiya universitetisidagi talaba - qizlarning umumiy ro'yxati bazasini shakllantirganligi (5 ball) b) Oilali, ijtimoiy himoyaga muhtoj (Ayollar daftari, Temir daftariga kirgan) ayollar ro'yxati mavjudligi, nogironligi bor (1- , 2- guruh talaba- qizlar ro'yxati), tarbiyasi og'ir (profilaktik hamda probatsiya ro'yxatida turuvchi talaba- qizlar ro'yxati), davlat stipendiyasi sohibalari bo'lgan faol, iqtidorli talaba-qizlar ro'yxati mavjudligi (barchasining elektron shakli) (5 ball) s) JIDUdagi ayol pedagog va xodimlarning umumiy ro'yxati, ularning ijtimoiy holati to'g'risidagi ma'lumotlar bazasining mavjudligi (5 ball)	15
2	Xotin-qizlar maslahat kengashi raisi, dekan maslahatchisining ish rejasi ijrosi holati	a) Ish reja ijrosi bo'yicha har chorak yakunidagi ma'lumotning mavjudligi (5 ball) Talaba-qizlar bilan manzilli ishlash bo'yicha grafik-reja mavjudligi (yillik, har oyda va uning ijrosi holati (foto albomlar bilan) (5 ball)	10
3	Xotin-qizlarning muammolarini o'z vaqtida aniqlash	a) JIDUdagi yordamga muhtoj va og'ir ijtimoiy ahvolga tushib qolgan xotin-qizlari bilan olib borilgan ishlar (ulami qo'llab quvvatlash jarayonida hamkor tashkilotlar bilan olib borilgan ishlar) (5 ball) b) JIDUdagi nogironligi bo'lgan xotin-qizlari bilan (ijtimoiy- huquqiy, psixologik va moddiy yordam ko'rsatish, rehabilitatsiya vositalari	10

		<p>bilan ta'minlash) olib borilgan ishlar (5 ball)</p> <p>s) "Lider qizlar" klubi faoliyatini to'g'ri yo'lga qo'yganligi, klubning faol faoliyat yoritishi (5ball)</p>	
4	Yoshlami oilaviy hayotga tayyorlash, ularga oiladagi nizoli holatlarni hal qilishning huquqiy va psixologik asoslarini o'rgatish.	<p>a) JIDUda oilalami mustahkamlash, erta nikoh va oilaviy ajralishlarning oldini olish borasidagi faoliyati (5 ball)</p> <p>Oilalardagi muammolarni o'rganish, ajrim yoqasiga kelib qolgan oilalar bilan ishlash jarayonlari (5 ball)</p>	10
5	Xotin-qizlar o'rtasida ijtimoiy-ma'naviy tadbirlarni tashkil etishdagi faoliyati	<p>a) xotin-qizlar va erkaklar uchun teng huquq hamda imkoniyatlar kafolatlari to'g'risidagi qonun ijrosi yuzasidan olib borilgan ishlar; xotin-qizlarni tazyiq va zo'rovonlikdan himoya qilish to'g'risidagi qonun hujjatlari ijrosi yuzasidan olib borilgan ishlar (5 ball)</p> <p>b) xotin-qizlar sportini rivojlantirishdagi faoliyati; xotin-qizlarning reproduktiv salomatligini saqlash yuzasidan olib borilgan faoliyati (5 ball)</p>	10
6	Tashkiliy-metodik faoliyati	<p>a) Talaba-qizlarning murojaatlarini o'rganish tizimini yo'lga qo'yilganligi (5 ball)</p> <p>Talaba-qizlar o'rtasida ijtimoiy so'rovlarni o'tkazganligi, ularni tahlil qilish va mavjud muammoni bartaraf etishdagi faoliyati (5 ball)</p>	10
7	Ijtimoiy-kasbiy moslashuv	<p>a) Maslahat kengashi raisining kasbiy estetikqoidalarga mos ravishda muomala qilishi, kiyinishi (5 ball)</p> <p>b) talaba-qizlarni va pedagog-xodimlarni ishonchiga kira olish (5 ball)</p>	10
8	Jamoat ishlaridagi faolligi	<p>JIDUda talabalar o'rtasida ma'naviy-ma'rifiy tadbirlar, umumxalq bayramlarini yuqori saviyada tashkil etishdagi faolligi (5 ball)</p> <p>JIDUda tashkil etiladigan boshqa tadbirlardagi faolligi (5 ball)</p>	10

9	O‘z ustida ishlashi va tajriba almashishi	<p>a) JIDUda xotin-qizlami ilm-fanga yo‘natirish, oilaviy ajrimlarning oldini olish, gender tenglik, xotin-qizlar huquqlariga oid xalqaro va milliy konferensiyalar, respublika va hududiy seminarlar, o‘quvlar tashkil etib borishi (5 ball)</p> <p>b) JIDU saytida, ijtimoiy tarmoqlarda, OAVlarida tizim ishini yoritishi (5 ball)</p>	10
Jami			100

Izoh: Ushbu baholash mezonlari psixologlarning faoliyatiga baho berish, ijobiy natijaga erishilganda ularga turli rag'batlantirishlarni go'llash, mukofotlarga tavsiya qilish, salbiy natija ko'rsatilganda tegishli intizomiy chora ko'rishga asos bo'lib xizmat qiladi.

Jahon iqtisodiyoti va diplomatiya universiteti
Xotin-qizlar maslahat kengashi
TARKIBI

1. Sultanova E’tibor Siddikovna - s.f.d., professor, Siyosatshunoslik kafedrası professori, *JIDU Xotin-qizlar maslahat kengashi raisi*
2. Tashpulatova Laylo Maratovna - Xalqaro iqtisodiyot va menejment kafedrası i.f.d., dotsent
3. Shakirova Shohida Yusupovna - Besh muhim tashabbus markazi rahbari doktor PhD
4. Sharipova Umida Atxamovna - Xalqaro iqtisodiyot va menejment kafedrası i.f.n., dotsent
5. Turayeva Suriya Telmonovna - Xalqaro iqtisodiyot va menejment kafedrası k.f.n., dotsent
6. Mirhamidova Moxinora Nurullayevna - Xalqaro huquq kafedrası h.f.n., dotsent
7. Abduraxmanova Munisa Abdukaxarovna - Siyosatshunoslik kafedrası shogird-o‘qituvchisi